

LET'S DO IT

VAREŠ

ZAPISNIK

sa 8. sastanka lokalnog tima

održanog 20.07.2012. u 18:00 sati u caffe baru „Jazz in the house“

PRISUTNI:

1. Mirela Erlbek-Subašić, koordinatorica;
2. Božidarka Dodik;
3. Katarina Gavran;
4. Davor Barnjak;
5. Marina Barnjak;
6. Maja Jaćimovska

Mirela Erlbek-Subašić izvještava prisutne o zbivanjima na izvanrednom sastanku Let's do it BiH koordinacijskog tima i lokalnih timova ZE-DO kantona, održanog u Kaknju 17.07.2012., na kojemu su se trebali riješiti problemi nastali unutar redova dvije podijeljene frakcije: PR tima i koordinacijskog tima Let's do it BiH. Budući da PR tim nije bio pozvan ni prisutan na sastanku, problemi su ostali neriješeni. Koordinacijski tim Let's do it BiH poručio je lokalnim timovima ZE-DO kantona da obećanu logističku pomoć (rukavice, vreće) možda neće moći osigurati te da će se za nabavku istih morati pobrinuti sami. Stoga, lokalni tim Vareš će u narednom periodu uputiti pismeni dopis koordinacijskom timu Let's do it BiH u kojem će tražiti njihovo konačno izjašnjenje po tom pitanju (kakva i kolika će biti njihova logistička pomoć) kako bi mogao što bolje organizirati glavnu akciju čišćenja 09.09.2012. godine.

Nakon toga, prisutni izražavaju svoje nezadovoljstvo lošim odazivom građana i mještana Stupnog Dola na 2. pilot akciji (predsjednik MZ Stupni Do, iako pozvan, nije bio prisutan, a od žitelja Stupnog Dola akciji čišćenja prisustvovao je jedino Ahmed Likić). Članovi lokalnog tima potom donose zaključak: akcije čišćenja divljih deponija ubuduće neće provoditi tamo gdje nema dovoljne podrške lokalnog stanovništva.

Članovi tima zatim diskutiraju kako je potrebno uraditi što bolju medijsku promidžbu projekta „Let's do it BiH: očistimo zamlju u jednom danu“ i približiti javnosti svrhu i ciljeve pokreta, u cilju animiranja što većeg broja građana. Mirela Erlbek-Subašić i Davor Barnjak će u vezi toga kontaktirati list Bobovac i radio Bobovac i dogovoriti: intervju, izradu i

puštanje jinglova, članak na temu ekologije i sl., s ciljem podizanja ekološke svijesti javnosti i objašnjavanja ciljeva projekta. Kako se najveći broj divljih deponija nalazi na vareškim selima, Božidarka Dodik predlaže da se održi još jedan sastanak u Općini sa predstavnicima svih mjesnih zajednica u cilju animiranja što većeg broja seoskog stanovništva i njihovog uključivanja u glavnu akciju čišćenja 09.09.2012.

Prisutni potom razgovaraju o organiziranju 3. pilot akcije čišćenja divljih deponija na selu Pogar. Jednoglasno je usvojen termin 3. pilot akcije: 12.08.2012. godine. U narednih 15 dana treba se: kontaktirati predsjednika MZ Pogar i Branu Šurkića, izraditi reklamni plakat i postaviti ga na oglasnim pločama u gradu i na selu Pogar, kupiti dovoljan broj sredstava za rad (vreće, rukavice) i kontaktirati JKP Vareš.

Tim dalje diskutira i o organizaciji glavne akcije čišćenja divljih deponija koja će se održati 09.09.2012. Od 15.08. članovi tima će kontaktirati sve koji su se registrirali u knjige volontra, kako bi se utvrdio njihov što precizniji broj i organizirati prijevoz, sredstva za rad, hranu i piće. U periodu 15.08.-09.09. treba intenzivirati medijsku promidžbu projekta.

Što se tiče Let's do it partya, treba što prije kontaktirati rock bend Lazy river i dogovoriti njihov besplatni angažman.

Zaključeno je:

- Mirela Erlbek-Subašić će zajedno s Davorom Barnjakom otići do radija „Bobovac“ i dogovoriti sadržaj promotivnog jingla te učestalost njegovog ponavljanja u toku dana;
- Mirela Erlbek-Subašić će kontaktirati glavnog urednika lista „Bobovac“ u cilju objavljivanja članaka vezanih za Let's do it Vareš program;
- Davor Barnjak će uraditi web stranicu Let's do it Vareš, izraditi će plakat za pilot akciju 12.08. na Pogari te izraditi reklamni video klip za Let's do it Vareš FB grupu;
- Marina Barnjak i Maja Jaćimovska će uraditi geomapiranje divljih deponija;
- Maja Jaćimovska će u katastarskoj službi O.V. nabaviti koordinate divljih deponija te kontaktirati Denisa Redžepagića i Branu Šurkića.

Sljedeći sastanak održat će se 29.07.2012. godine na istom mjestu.

Sponzor sastanka: Božidarka Dodik; piće 18 KM.

Sastanak završen u 20:30 sati.

Vareš, 20.07.2012.

Lokalni tim

Let's do it Vareš